



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Auctoritate Gregorij magni vetitum est ne quid ordinatoribus aut
Clericis ministrantibus daretur pro ordinatione, neque Notariis ob
traditionem chartarum.

urn:nbn:de:hbz:466:1-15617

ex Gregorio in dicta epistola, qui pauperibus erogandi morem ab ordinatis servatum commemorant, licet damnent. Sed non opus est conjecturis, cum sint aperata Novellæ verba; quæ partem quantitatis illata Episcopis ordinatoribus, alteram vero partem Clericis ministrantibus & Notariis attribuit. Ius illud dicitur à Iustiniano *Imperiali*, sive specialius *Inthronisticum*, quod Iulianus Antecessor vertit *Cathedralicum*; differtque toto genere à *Cathedralico*, id est, à duorum solidorum præstatione quam in synodis Presbyteri subditi Episcopo deferebant, cuius meminit Concilium Bracarense secundum canone secundo. Vnde Ioannes Scholasticus Patriarcha Constantinopolitanus hoc caput Novellæ rectè inscribit *τοις ουντεσιν τοι εθρόνων ἐργασίαις*. Ex nomine appetat color quæstus huic pecuniaria præstationi. *Inthronisticum* dabatur ratione throni sive cathedrae adeptæ. Missio enim illa in possessionem dicitur à Græcis *ἐθρόνων*; quam recentiores in Canoniciis à stallo chori dicunt installationem. Sanè videbatur æquum à sumptibus itinerum Episcopos relevari, qui è dissitis civitatibus ad metropolim accedebant, ibique dies aliquot transigebant ad ordinationes peragendas, & honorarium aliquod Clericis ministris tribui. Ceterum Iustinianus non induxit has præstationes, sed potius ad legitimum modum coercuit: *Nex talibus occasionibus, debitis Ecclesiæ pregraventur, & sacerdotia venalia fiant; ut loquitur in Novella.*

IX. Nec omittendum hac Novella cap. xvi. concedi quoque Clericis ab Episcopo ordinatis ut confueta salario solvant, emphanicorum sive insinuativorum nomine, Clericis quibus dari solitum erat, *τοις ουντεσιν ἐμφανειας, pro insinuazione sua*, id est, quod Clericorum in matricula nomina descripsissent & insinuassent actis ecclesiasticis. Ea tamen lex est adjecta, *ut anni unius dia-ria, sic vertit Iulianus, non excedentes summas præsent*. Quam insinuativorum solutionem tolerat Iustinianus in majori Ecclesiæ Constantinopolitanæ, sed non in ceteris Ecclesiis, Novella quinquagesima sexta. Quod ultimum non intelligitur de omnibus omnino Ecclesiis, (id enim contrarium esset Novellæ cxxiiii.) sed de Oratoriis urbis Constantinopolitana, ut colligi potest ex verbis Iuliani Antecessoris num. cxc i. *Si quis in Constantinopolitana civitate Clericus fuerit faetus, siquidem magna Ecclesiæ Clericus sit, emphanistica præset que ex consuetudine præstari oportet. Sin autem alterius Oratoriij Clericus fuerit, nihil ab eo emphanicorum nomine exige-*

tur. Illud etiam hinc probatur, quod Iustinianus Defensores Ecclesiæ Constantinopolitanæ hortatur ut hujus legis executioni invigilent, scilicet in urbe. Neque enim in aliis episcopatibus aliquid poterant. Vetus scholion Græcum ad Novellam istam in collectione Ioannis Scholastici observat hanc præstationes legitimo jure fieri postquam Imperator, qui secularium rerum est dominus, illas approbavit. Non enim ob ordinationis gratiam pecunia accipitur, neque propterea indigni admittuntur; sed honorarij & beneficentie vice prebetur modicum illud quod lege definitum est.

X. Sed auctoritate Gregorij magni in synodo Romana vetitum fuit commoda ultra ordinatoribus aut Clericis ministrantibus pastelli nomine, vel Notariis ob traditionem chartarum, aut alia quacunque occasione præberi. Cujus constitutionis occasione de simonia evellenda scripsit ad Episcopos & ad Reges Galliæ, ad Metropolitanum Corinthi & provinciæ Hellados Episcopos, ad Episcopos Epiri, ad Hesychium Episcopum Hieropolymorum, & ad Eulogium Alexandrinum. Præjudicij istius rationem quandam habuisse videntur orientales, cum decimo capite mandatorum quæ Patriarchæ tradunt ordinatis à se Metropolitis statuant ut *ἐθρόνος* (sic enim vocant præstationes illas) non detur Episcopo ordinatori, sed Clericis pauperibus, libro sexto Iuris Græco-Romani. Ceterum in Occidente & Chalcedonensis synodi canon & Gregorij magni decreta à sequentibus Pontificibus & à posterioribus Conciliis Gallicanis & Hispanicis sapientissime confirmata sunt.

XI. Emerit tandem nova Florentinorum Iurisconsultorum opinio sexcentis abhinc annis, postquam ordinatio à Beneficiorum datione distingui cepit; qui nullum simoniae vitium Præbendarum emptioni subesse apertere docebant; quod crimen in sola gratia spiritualis, quæ jam in ordinatione tradita erat, nundinatione constituebant; cum redditus Præbendarum seculares essent, & in commercio positi. Quod meritò decretis Pontificum statim & postea confutatum fuit. Ius enim fruendi his redditibus pendet ex gratia spirituali collata in ordinatione; cui fit injuria, si pecuniae vi ad exercitium redigatur. Porro addici alicui speciali Ecclesiæ est pars ordinationis, ut superiori diximus; ac proinde institutio illa, sive *pronuntiatio*, non potest emi, nec vendi, juxta Concilium Chalcedonense, estque vera & manifesta simonia. Quod Abbo Floriacensis demonstrabat exemplo vinculi quod est inter animam & corpus, animæ ordinationis gratiam & corpori Præbendam comparans.